

水

地

記

水地記

沅水出原虛東流為濟水故瀆東迤南入于河

濟水有二源東源在濟源縣西北二里有濟瀆廟其西二里為西源俗呼龍潭潭之東北廟西有古原城遺址左氏春秋富辰所言原文之昭是其故虛也漢志河東郡垣禹貢王屋山在東北沅水所出東南至武德入河垣縣故城在今垣曲縣東北二十里王屋山在今濟源縣西八十里西南去垣曲縣七十里北去陽城縣八十里為三縣接境括地志云沅水出王屈山頂崖下石泉渟而不流其深不測既見而伏至

濟源縣西北二里平地其源重發而東南流元和志
云濟水在濟源縣東北三里有二源東源周圍七百
步其深莫測西源周圍六百八十五步深一丈皆繚
之以周牆李漁蒔濟清記云濟清廟後有池是為東
為西池周如東池舊記濟水出王屋山西有石橋橋西
流地中東行九十里復見于此其太乙池今亦涸矣
劉漪西源辨曰濟水二源舊志唯以太乙池為界
按水經注二源一在原城東北一在城西南為界
殊遠不可以一橋之界遂分東西而謂二源俱在是
也意此為濟之東源信矣池西二里又有一源舊稱
為龍潭時出時沒不為濟之西源無疑也又云王屋
山在王屋縣北十五里唐之王屋縣北魏邵郡葭平
縣也北周改曰王屋懷州治焉元并入濟源縣為貢

導流水東流為濟蓋泉源初出名流水也今垣曲縣東十里有濟源山地志以濟水^為出山之陽水經注之東沆水也西源先合是水乃經原城南東源南流與之會故酈道元又目東源為北水而禹貢析城山在陽城縣西南七十里山下有池其深莫測亦相傳與濟瀆潛通以濟水伏流故析城王屋池泉咸歸之濟矣陽城縣西三十里瀘澤城漢縣也北魏東徙唐天寶初改曰陽城流水東南流濟源縣南枝津石出入于洩沆水故瀆又東南經河內縣西南縣本漢河內郡郡野王衛元君角自濮陽徙野王者也晉為河內郡

治北魏為懷州治隋改縣曰河內元改州為懷孟路
延祐中曰懷慶路明為懷慶府府西南三十二里絺
城濟水經其北左氏春秋王與鄭人蘇忿生之田絺
其一也後漢志河內郡汲有絺城元和志濟水經河
內縣西南去縣三十里是也濟沆之名為川流互稱
濟水又東南經溫縣西南漢故城在今縣西南三十
里濟水經其北今縣即李城也濟水又東南後代穿
渠徑通故濟水斷不可復尋鄭道元于河水章成臯
大伾山云鄭康成曰地喉也沆出伾際矣在河內修
武武德之界濟沆之水與滎播澤出入自此今濟水

自溫縣入河所入者奉溝耳即濟沆之故瀆矣于沁
水章沙溝云先儒亦咸謂是溝為濟渠故班固及閻
駉竝言濟水至武德入河蓋濟水枝瀆條分所在布
稱考沁水枝津自枋口南出為朱溝枋口堰舊以木
為門枋魏典農中郎將司馬孚易以石亦曰石門堰
隋盧賁唐溫造俱于此開渠資溉亦名廣濟渠元中
統三年更為分水渠凡四溉濟源河內河陽溫武陟
五縣民田三千餘頃互五百餘里達于河蓋因朱溝
相繼營造也朱溝水東南流右出為奉溝其水自今
懷慶府城西東南流經溫縣城西又東徑平臯城南

城在溫縣東南二十里漢縣也本春秋時邢邱有平
臯陂周二十五里陂南即大河矣奉溝水自是南注
于河朱溝水自奉溝又東南右泄為沙溝其水東南
流經安昌城西城在今懷慶府東南六十里又東經
隰城北左氏春秋亦作隰邱京相璠曰在懷縣西南
故懷城東北去今武陟縣十一里左氏春秋王與鄭
田懷其一也漢為懷縣後漢志雒陽北百二十里河
內郡治是也又東經殷城西郭緣生述征記曰河之
北岍河內縣有殷城又東南水積為陂又東南注于
河道元之意以奉溝入河為濟之正瀆所由以沙溝

入河為濟之枝渠所由皆漢武德縣地其故城在今
武陟縣東後代濟水于溫城西改流南決經溫城西
又南經魏公臺西臺在今溫縣西南濟水自是南注
于河今是流亦湮惟從枝津南注合渙水入河

水經濟水出河東垣縣東王屋山為沅水注云今濟

水重源出溫城西北平地北魏時濟水源為和縣境

晉古文尚書孔傳云泉源為沅流出和縣西北平地東

襲其大缺孔冲達義疏云見今濟水所出在溫之西

北七十餘里水有二源東源出原城東北昔晉文公伐原

以信而原降即此城也俗以濟水重源所發因復謂
之濟源城其水南逕其城東故縣之原鄉南流與西

源合西源出原城西東沆水注之水出西南東北流
注于濟濟水又東逕原城南東合北水此北水謂東
源上東沆別
是一亂流東南注分為二水一水東南流俗謂之為
衍水衍沆聲相近傳呼失實也又東南逕郟城北而
出于溫矣郟當其一水枝津南流注于洪
水經又東至溫縣西北為濟水又東過其縣北注云
濟水于溫城西北與故瀆分南逕溫縣故城西周畿
內國司寇蕞忿生之邑也濟水南歷虢公臺西皇覽曰
溫城南有虢公臺基址尚存濟水南流注于河濟水
故瀆于溫城西北東南出逕溫城北又東逕虢公冢

北皇覽曰魏公冢在溫縣郭東濟水南大冢是也濟水當王莽之世川瀆枯竭其後水流逕通津渠勢既尋梁脈水不與昔同

水經屈從縣東南流過墳城西溫縣在今又南當單縣

北南入于河注云濟水故瀆東南合奉濟水水上承

朱溝于野王城西東南逕陽鄉城北又東南逕李城

西秦攻趙邯鄲且降傅舍吏子李同說平原君勝分

家財饗士得敢死者三千人李同與赴秦軍秦軍遇

李同死封其父為李侯故徐廣曰河內平皋縣有李

城即此城也于城西南為陂水淹地百許頃蒹葭蘆

葦生焉號曰李陂又逕墳城西屈而東北逕其城北
又東逕平皋城南又南注于河

水經注沁水章朱溝水上承沁水于沁水縣西北自
枋口東南流奉溝水右出焉又東南流右泄為沙溝
水也水分朱溝南派東南逕安昌城西又東逕隰城
北京相璠曰在懷縣西南又逕陂城西東南流入陂
陂水又值東南流入于河先儒亦咸謂是溝為濟渠
其伏流者決出河之南是為滎播父洎

濟多伏流自地中絕河而南為貢于導洧水曰溫為
滎于豫州曰滎播既緒蓋澤與河北濟沆瀣通也鄭

康成曰今塞為平地滎陽民猶謂其處為滎播在其
縣東吳幼清云濟既入河其伏流者潛行地下絕河
而南溢為滎澤再出于閿邱北溢者言如井泉自中
而滿非有來處如荷澤被孟豬之被出者言在平地
自下而涌非有上流如某水至某處之至滎澤後既
填塞閿邱亦無實濟清故道不可復尋漢隋閿皇四
年分滎陽縣地置廣武縣仁壽初改曰滎澤澤在縣
南括地志滎陽故城在滎澤縣西南不七里隋唐已
來滎澤舊治在河之南澤之北明成化中以河水壞
城南徙五里今澤在縣北值漢滎陽縣之東北故漢

志謂軼滎陽北地中而鄭君謂在縣東也滎陽本殷

之教地一作在教山之陽戰國時韓謂之滎陽其故

城在今縣北隋末徙治大索城城在故京城西二十

里五代時徙滎陽縣治于京城西北三十里是為今

之滎陽縣胡肅明云司馬彪國志河內溫下云濟

有鴻濟水而不言滎澤豈以其時已塞為平地乎濟

故清下言之然北澤東漢復出水故鄭注于溫縣濟水

以直言枯絕而滎澤無大則天似專指南源此後人

所以移其說于滎陽也但濟水因旱而枯早止則當

復舊夏季伊洛竭也濟何獨一枯而不復出且南諸水

源同此一源也

後魏云平帝十一年陽武全張汜上言河決積久日月後

毀濟渠所漂數十許縣明帝紀永平十三年詔亦言
 自汴渠決敗六七十餘歲加頃年以來雨十三年
 東侵日月益甚水門故處皆在河中溝濬廣溫莫
 圻所當時汴濟之區河失之羨溢為害如此濟渠
 榮濟南去榮澤不遇二十餘里則固在所澤數十
 之中者也河水氾濫必至其處歷六十餘年而後
 於之入空竇盡窒地中伏流不能上涌榮澤之塞
 由于此宜四旱乾而遂塞哉余閱曰河天下之濁
 水一石率泥數斗嘗道出梁宋觀決河凡水之所
 比其去即穹居大木盡沒地中漫不見踪跡然則
 侵榮澤去後徙安得不塞為平地鉅野縣志云元
 決入鉅野及徙後澤遂涸為平地鉅野縣志云元
 傳間不暇深考故言之不詳世遂附其明徵也
 會以為榮澤陸塞之故殊非事實
 榮水故瀆首受河于敖山東北東南流得却水又東得
 馮池之水又東得旃然之水東至榮澤北得濟隧之水
 又東得京水東迤北注于濟

滎水周職方為豫州川亦謂之滎瀆首受河于河陰
縣西教山東北是為滎口有石門所謂滎口石門也
東南流右^合郊水京相璠曰郊在教北是也水首受河
于河陰縣教城西北有石門亦呼石門水後代嘗濬
之為汴梁去縣二十里水經以為蒗蕩渠又以是為
濟水東流經廣武山北其山縣互五十里山麓南跨
汜水縣東跨滎澤縣括地志山在滎陽縣西二十里
一名三皇山亦曰三室山述征記山上一澗橫絕相
對皆立城塹遂號東西廣武渠水又東經教山北秦
置倉于此有教倉城括地志云教倉在滎陽縣西北

十五里石門之東北臨汴水南帶三皇山是也又東
左會于滎瀆又東宿胥水受河于原武縣西北扈亭
春秋諸侯會之地也其水東南流注于滎水滎水又
東合馮池水漢志河南郡滎陽馮池在西南其水東
北流謂之磔石溪經敖山南號亭北應邵曰故號國
今號亭是也此鄭所取之東號亦呼平吼城在滎陽
縣東北二十里池水又東北注滎水漢書溝洫志賈
讓言滎陽漕渠其水門但用木與土耳如淳云今磔
溪口是也顏師古云磔溪溪名即水經所云沛水東
過磔溪者然則石門渠實漢之滎陽漕渠今水經作

東至北磔溪與師古所引異後人謬有增改耳滎水
又東右合旗然之水又東至滎澤濟隧水首受河于
原武縣西北南流經卷城東城在原武縣西北七里
漢縣也本魏之卷邑又南經衡雍城西城在原武縣
西北五里春秋時鄭地也亦曰垣雍又南注于滎澤
左氏春秋所謂濟于濟隧謂是水也滎水又東經垂
隴城北自澤東出東南經釐城東水經注謂之南濟
右合黃水亦曰京水也旗然亦曰索水今京索二水
合梅山之水至中年入汴非昔之纏絡矣滎又東南
右出為菴蕩渠漢志河南郡滎陽有菴蕩渠首受汴

東南至陳入潁是也滎水又東北經陽武縣城南又東為白馬澗在縣東南三里唐載初元年引汴水入白河謂是澗之渠流矣今涸滎水又東經封邱縣南漢縣也左氏春秋封父之繁弱通典曰封邱古封國也又東經祥符縣北故浚儀也漢志陳留郡浚儀故大梁魏惠王自安邑徙此晉地道記云故衛儀邑也北魏為陳留郡治東魏于此置梁州北周改曰汴州舊唐書云隋浚儀在今縣北三十里為李密所陷縣人王要漢率亳族置縣于故汴州城義寧元年于縣復置汴州唐武德四年移縣于州北羅城貞觀中移

于州西一里元和中移入郭內方輿紀要云唐興元二年自宋州徙宣武軍于此朱梁建都為東京開封府晉復都此漢周皆因晉舊宋太祖復定都為金曰汴京宣宗遷都為元曰南京路至元十二年改作汴梁路明洪武初建北京于汴梁復曰開封府漢浚儀城在府城西北宋祥符中改縣曰祥符又東南經陳留縣北漢故城在今縣北二十里又東經小黃城北城在陳留縣東北三十里漢縣也晉為陳留郡治元延祐中大河自小黃村口決入下流合潁入淮即于此也滎水又東經蘭陽縣東昏城北城在縣東北二

十里漢縣也本陽武之戶牖鄉括地志東昏鎮在陳
留東北九十里是也又東經濟陽城南西去蘭陽縣
五十里東北去曹縣七十里漢縣也蘇代曰決白馬
之口魏無黃濟陽是也又東經戎城北又東北枝津
東出為荷水滎水又東北經荷澤縣西南冤句城南
去縣四十里漢縣又東經荷澤縣南又東經曹縣西
北濟陰城北城去縣六十里城東北五里有左岡與
荷澤定陶二縣接界即陶邱之別阜矣故是城亦有
左城之目魏書孝昌二年置西兗州治定陶尋徙左
城隋置濟陰縣為曹州治金大定二十七年河決曹

漢乃改築城于州之北原徙州治焉明年又徙治乘氏故城明洪武初以水患徙治安陵鎮本戰國時齊之桂陵二年又徙樂石鎮西北去安陵五十里四年改州為縣正統十年別置曹州于金時故址今為曹州府倚郭置荷澤縣滎水又東北經定陶城南漢縣也地理通釋云濟陰西北三十七里即定陶故城曹所都也宋太平興國置廣濟軍縣屢廢復置漢故城在今縣西北四里縣北有三驥城滎水又東流合于荷水荷水自曹縣西南五大溝分滎水溝去縣五十里其水東流經陶邱北自是已下蓋禹貢濟瀆之舊

考春秋濟隧之名當為濟通河之始其西則有出河之濟又西有滎口又西有石門渠交錯于滎澤北其所纏絡在今河陰滎陽滎澤原武陽武封邱祥符陳留蘭陽曹州曹縣定陶之境後代大河徙流故渠盡湮無復可考矣曾彥和曰職方云其川滎雒者禹時為滎澤而已至周則為川穆天子傳浮于滎水乃奏廣樂是也

水經濟水章與河合流又東過成皋縣北又東過滎陽縣北又東至北礫溪南礫溪即注之礫石溪水無所謂北礫溪也北字後入所加東出過滎陽北陽字誤當作澤注云尚書曰滎波既豬昔

大禹塞其淫水而于滎陽下引河東南以通淮泗水
河水章又東過滎陽縣蕩渠出焉注云大禹塞滎澤開之以通淮泗即經所謂蕩渠也黃文叔云蕩或不出河斷非禹迹後世不識聖人之意忘鑿河為潰
淮泗者以舟楫之利也荷已通矣而何更用通蕩哉其口禹塞淫水而鑿之者春秋戰國之世高植功利而忽遠圖並植私徇欲而不顧大經策謀之士託其名于禹而世不察也河渠書云滎陽下引河東南為鴻溝以通宋鄭陳蔡曹衛與濟汝濟水分河東南淮泗會其在春秋戰國之際明矣
流漢明帝之世司空伏恭薦樂浪人王景善能治水
顯宗詔與謁者王吳始作浚儀渠此即景吳所脩故
瀆也渠流東注浚儀故復謂之浚儀渠靈帝建寧四
年于敖城西北壘石為門以遏渠口謂之石門故世

亦謂之石門水門廣十餘丈西去河三里魏太中和
更又脩之水北有石門亭水南帶三皇山亦謂之三
室山濟水又東逕西廣武城北山下有水北流入濟
世謂之柳泉濟水又東逕東廣武城北夾城之間有
絕澗斷山謂之廣武澗濟水又東逕敖山北詩所謂
薄狩于敖者也其山上有城即殷仲丁之所遷也秦
置倉于其中故亦曰敖倉城濟水又東合滎瀆瀆水
受河水有石門謂之為滎口石門也而地形殊卑蓋
故滎播所導自此始也東南流注于濟今無水次東
得宿須水口水受大河渠側有扈城東南流注于濟

今無水宿須在河之北不在此也蓋名同耳自西緣
滯山隰秦漢已來亦有通石濟水與河渾濟東注晉
太和中桓溫北伐將通之不果而還義熙十三年劉
公西征又命寧朔將軍劉遵考仍此渠而漕之始有
激湍東注而終山崩壅塞劉公于北十里更鑿故渠
通之今則南瀆通津濟水于此又兼郟目春秋宣公
十三年晉楚之戰楚軍于郟即是水也京相璠曰在
敕北濟水又東逕滎陽縣北又東南礫石溪水注之
水出滎陽城西南李澤澤中有水即古馮池也地理
志滎陽縣馮池在西南是也東北流歷敕山南鶚亭

北又東北逕滎陽縣北斷山東北注于濟世謂之磔
石澗即經所謂磔溪矣經云濟出其南非也濟東流
東北注之則濟至其北水經不當言又東至磔溪南
今本水經注多訛為經前後複索胡臆明于又東南
磔石溪水注之下云又東二字為句石字衍觀注云
經所謂磔溪可知上有北磔溪故此為南磔溪考磔
石溪又明云謂之磔石澗石字非衍也此句本非經
經指上又東至北磔溪南句耳北磔溪南磔溪北字
南字皆後人謬加因不辨一屬注徒見前濟
後而云磔溪故強為區別胡君遂眩惑而未之察濟
水又東索水注之又東逕滎澤北故滎水所都也東
南與濟隧合濟隧上承河水于卷縣北河南逕縣故
城東又南逕衡雍城西與出河之濟會出河之濟亦
河濟隧南去新鄭百里斯蓋滎播河濟往復逕通矣
在其東

出河之濟即陰溝之上源也濟隧絕焉

出河之濟分左右二濟俱

東絕濟隧其左

濟隧衛雍城南故世亦或謂其故道為十字溝自于

岑造八激隄于河陰水脈徑斷故瀆難尋又南會于

滎澤有垂隴城濟瀆出其北京相璠曰垂隴鄭地今

滎陽東二十里有故隴城世謂之都尉城蓋滎陽典

農都尉治故變垂隴之名矣澤際又有沙城

澤字誤當作瀆

城左佩濟瀆瀆際有故城史記秦昭王四十二年魏

冉攻魏走芒卯入北宅即故宅陽城也竹書紀年王

及鄭釐侯盟于巫沙以釋宅陽之圍歸釐于鄭濟水

又東南逕釐城東春秋書公會鄭伯于時來左傳所

謂釐也京相璠曰今滎陽縣東四十里有故釐城濟水右合黃水東南流入陽武縣歷長城東南流蒗蕩渠出焉濟水又東北流逕陽武縣故城南又東為白馬淵淵東西二里南北百五十步泉流名為白溝又東逕房城北又東逕封邱縣南又東逕大梁城北東南逕倉垣城又東逕小黃縣之故城北又東逕東昏縣故城北武陽縣之戶脯鄉矣濟水又東逕濟陽縣故城南

水經又東過武陽縣北又東過封邱縣北又東過平邱縣南又東過濟陽縣北

此四語與下大川流不相連貫蓋作水經者不分南

北濟濟水同為一南濟北濟分注之今北濟別見于後又東過冤
胸縣南又東過定陶縣南北注云南濟也濟瀆自濟
陽縣故城南東逕我城北春秋隱公二年公會我于
潛杜預曰陳留濟陽縣東南有我城是也濟水又東
北荷水東出為濟水又東北逕冤胸縣故城南又東
逕秦相魏冉冢南為秦相穰侯魏冉之冢又東北
逕定陶恭王陵南在曹縣西北五十里濟陰城北瀆
南魏郡治也世謂之左城即濟陰故城後魏謂之孝
昌城濟水又東北逕定陶縣故城南側城東注縣故
三駸國也周武王封弟叔振鐸之邑故曹國也

水經又屈從縣東北流注云南濟也又東北右合荷水

伏流于陶邱北復出東北為荷澤亦久涸

漢志濟陰郡定陶下云禹貢陶邱在西南陶邱亭

帝

世紀云定陶西南有陶邱亭

邱在今縣西南七里禹貢濟水伏行

地中者復出于邱北東北流汜水自左注之又東北流經定陶城南又東北為荷澤漢志濟陰郡下云禹

貢荷澤在定陶東唐貞觀初省定陶入濟陰通典于

濟陰縣下云荷澤在縣東北九十里故定陶城東北

澤在今荷澤縣東南三十里漢定陶地也其涸已久

故鄱道元不詳其所在禹貢導荷澤在孟豬孟豬之

藪值荷澤東南爾雅十藪宋有孟諸是也

孟豬諸都四字古通用

用亦曰望諸亦曰明都字通音轉耳在商邱縣東北

接虞城之境漢志梁國睢陽故宋國微子所封禹貢

盟諸澤在東北闕駟十三州記曰不言入而言被者

明不常入也水盛方乃覆被矣元和志孟諸澤在虞

城縣西北十里周迴五十里寰宇記虞城孟諸澤俗

呼瀆臺蓋澤中有臺也

胡朮明云今虞城縣西北十里

爾雅水草交曰虞虞古瀆字蓋以孟諸之瀆得名也

金吉甫云自荷澤至孟諸

凡百四十里

水經注荷水上承濟水于濟陽縣東世謂之五丈溝
又東逕陶邱北此後世築水枝津至陶邱北入于濟之故道耳禹貢東出之文非有上源也
墨子以為釜邱也荷水東北出于定陶縣北屋左
合汜水汜水西分濟瀆東北逕濟陰郡南又東合于
荷瀆昔漢祖既定天下即帝位于定陶汜水之陽張
晏曰汜水在濟陰界取其汜愛弘大而潤下也荷水
又東北逕定陶縣南又東北右合黃水枝渠渠上承
黃溝東北合荷而北注濟瀆也

荷澤水自澤別東入于泗

濟水自荷澤東流枝津右出為荷水東南流經乘氏

城南漢縣也金大定二十八年徙曹州治此改縣曰
濟陰西南去故州城二十八里在今曹縣東北五十
里又東經金鄉縣西北昌邑城北城去縣四十里秦
縣也又東經金鄉故城南又東經東緡城北城在金
鄉縣東北二十里漢縣也本夏時有緡氏之虛後漢
分置金鄉縣又東經魚臺縣西北重鄉城南城去縣
十一里又東經魚臺縣北城北方與城漢縣也唐寶
應初改曰魚臺元和四年徙于魚臺市即今治又東
經武棠亭北亭在縣東北十二里春秋棠亦作唐公
及戎盟于唐是也又東至穀庭城左會泗水酈道元

于泗水章云荷水東與泗水合于湖陵縣西六十里
穀庭城下城在今魚臺縣東二十里湖陵城在今沛
縣北五十里與臺魚接境禹貢徐州浮于淮泗達于荷
謂由是水至荷澤也後人目是為荷水矣漢志山陽
郡湖陵下云禹貢浮于淮泗通于河當作水在南說
叔重說文解字荷字下云荷澤水在山陽湖陵禹貢
浮淮泗達于荷今禹貢及漢書荷皆轉寫訛作河惟
說文足資證實東晉古文尚書孔傳曰荷澤在湖陵
襲叔重言荷澤水者以為澤之所在謬矣

水經又東至乘氏縣西分為二注云春秋左傳僖公

二十一年分曹地東傳于濟濟水自是東北流出鉅澤

水經其一水東南流者過乘氏縣注云荷水分濟于定陶東北東南石合黃溝枝流俗謂之界溝也北逕

元氏縣故城西

元氏當作已氏

又北逕景山東又北逕楚邱

城

城在曹縣東南四十里春秋時我州已氏之邑

城西戎戎凡伯子楚邱以歸即此地非魏文公所建

之楚邱

郡國志曰成武縣有楚邱亭又東北逕成武城

西又東北逕郈城東疑郈徙也所未詳矣又東北逕

梁邱城西春秋會于梁邱者也又東北于乘氏縣西

而北注荷水荷水又東南逕乘氏縣故城南即春秋

之乘邱也故地理風俗記曰濟陰乘氏縣故宋乘邱邑也

水經又東過昌邑縣北注云荷水東逕昌邑縣故城北地理志曰縣故梁也漢景帝中元六年分梁為山陽國武帝天漢四年更為昌邑國

水經又東過金鄉縣南注云荷水逕其故城南世謂之故縣城北有金鄉山

水經又東過東緡縣北注云荷水東逕東緡縣故城北故宋地鄒陽曰余登緡城以望宋都者也

水經又東過方與縣北為荷水注云荷水東逕重鄉

城南左傳所謂臧文仲宿于重館者也荷水又東逕
武棠亭北公羊以為濟上邑也城北有臺高二丈許
其下臨水晉魯侯觀魚于棠謂此也在方與縣故城
北十里經所謂荷水也荷水又東逕泥母亭北春秋
左傳盟于泥母謀伐鄭也荷水又東與鉅野黃水合
荷濟別名也黃水上承鉅澤諸陂澤有濞陂育陂黃
湖水東流謂之黃水又有薛訓渚水自渚歷薛村前
分為二流一水東注黃水一水西北入澤即洪水也
黃水東南流又東逕鉅野縣北何承天曰鉅野湖澤
廣大南通洙泗北連清濟舊縣故城正在澤中故欲

置戍于此城城之所在則鉅野澤也行東北出為大
野矣昔西狩獲麟于是處也皇覽曰山縣鉅野縣有
肩解冢重聚大小與闕冢等傳言蚩尤與黃帝戰克
之于涿鹿之野身體異處故別葬焉黃水又東逕咸
亭北春秋焚咸邱者也水南則金鄉縣之東界也金
鄉數山皆中穴口謂之隧山形峻峭焦氏山東即金
鄉山也黃水又東逕任城郡之亢父縣故城西夏后
氏之任國也漢章帝元和元年別為任城在北縣有
詩亭春秋之詩國也詩即其水謂之桓公溝南至方
與縣入于荷水荷水又東逕秦梁夾岍積石一里高

二文言秦始皇東巡所造因以名焉

水經又東過湖陸縣南東入于泗水

荷澤水會泗水于較鹿城下又

東流六十里乃至湖陸也

注云尚書曰浮于淮泗達于河

荷當作是也

故瀆東北經大野之藪

濟水東北經鉅野澤爾雅十藪魯有大野是也漢志

山陽郡鉅野大野澤在北元和志大野澤在鉅野縣

東五里南北三百里東西百餘里胡朮明曰鉅野故

城在今縣之西而何承天云舊縣故城皆在澤中則

澤必不起自今縣之東北可知也蓋此地屢遭河患

其故津自滎澤別
行滎水之北東入大
野之數此段入滎水
章

漢元光三年河決濮陽瓠子注鉅野通淮泗後二十
餘年始塞自是之後五代晉開運初宋咸平三年天
禧三年熙寧十年金明昌五年河皆決入鉅野溢于
淮泗或由北清河入海衝決填淤高下易形逮元至
正四年河又決入及河南徙澤遂涸為平陸而畔所
不可復識矣別濟水水經注謂之北濟自滎澤東流
經原武縣西北脩武傳南又東經原武縣城南又東
經陽武縣城北絕長城而東徐廣曰滎陽荅縣有長
城經陽武到密六國魏所築是也又東經延津縣南
烏巢澤北澤在縣東南又東經封邱縣南枝津左出

為濮水別濟水又東經祥符縣北又東經陳留縣境
縣西北九十里有平邱城西去封邱四十里東北去
長垣五十里漢縣也別濟經其縣南又東經東明縣
武父城北春秋公會鄭伯盟于武父者也城在縣西
北又東經濟陽城北又東北經荷澤縣西煮棗城南
又東北經冤句城北又東經呂都城南漢縣也在荷
澤縣西南二十里又東北經荷澤縣南又東北經定
陶縣北又東北左合濮水右瀆入大野澤
水經濟水章又東過陽武縣北又東過封邱縣北注
云北濟也自滎澤東逕滎陽卷縣之脩武亭南春秋

左傳盟于脩澤者也鄭地矣杜預曰卷東有脩武亭
濟水又東逕原武縣故城南春秋之原圃也又東逕
陽武縣故城北又東絕長城又東逕酸棗縣之烏巢
澤北澤有故亭晉太康地記曰澤在酸棗之東南濟
水出烏濟瀆又東逕大梁城之赤亭北而東注
水經又東過平邱縣南注云北濟也縣故衛地春秋
諸侯盟于平邱是也縣有臨濟亭田儋死處也又有
曲濟停皆臨側濟水者

水經又東過濟陽縣北注云北濟也自武父城北關
曰在濟陽縣東逕濟陽縣故城北關圍稱陳留風俗傳
西北鄭邑也

曰縣故宋地也漢景帝中元六年封梁孝王子明為濟川王應邵曰濟川今陳濟陽縣是也北濟自濟陽縣北東北逕煮棗城南又東北逕冤胸縣故城北又東北逕呂都縣故城北又東北逕定陶縣故城北漢景帝中元六年分梁于定陶置濟陰郡又東北濮水與濟同入鉅野

北得汶水經梁山東

濟水自澤北出經鄆城縣西南魯之西鄆也公羊春秋作運北周置清澤縣為高平郡治隋改縣曰萬安開皇十年置鄆州于此十八年改縣曰鄆城金大定

六年以河患西徙十六里即今治地志云濟水故瀆
在縣西南二十里濟水又北經汶上縣西北縣北平
陸城漢東平陸縣也應邵曰古厥國今有厥亭是晉
末徙治致密城後漢志云須昌有致密城古中都是
也劉宗為平陸縣北齊曰樂平唐天寶初曰中都舊
唐書云中都本治致密城在今縣西三十九里天寶
中移于今治金曰汶陽泰和八年改曰汶上濟水又
北經東平州西南汶水注之州本漢之東郡須昌縣
晉為東平國治隋開皇六年改縣曰宿城十六年析
置須昌縣今州西北十五里須昌城是也唐貞觀八

年徙鄆州治須昌貞元四年改宿城曰東平徙治郭
下元和中置天平軍節度太和四年改東平曰天平
六年并入須昌後唐改曰須城宋咸平三年以河患
徙鄆于故宿城而縣則仍曰須昌為郭下政和初改
州為東平府明洪武八年為東平州濟水又北經梁
山東山在州西南五十里西北去壽張縣七十里山
南則梁山灤也在壽張縣東縣本齊之良邑戰國時
謂之壽邑漢為東郡壽良縣應邵曰世祖叔父名良
改曰壽張其故城在今東平州西南劉宋曰壽昌金大
定七年以河患徙治竹口鎮十九年還舊治明洪武

初徙于梁山之東十四年徙金治東南去漢縣五十里竹口鎮在今縣西十五里五代晉開運元年滑州河決浸汴曹濮單鄆五州之境環梁山合于汶水與南旺蜀山湖連瀰漫數百里宋天禧三年滑州之河決歷澶濮曹鄆注梁山濼咸平五年詔漕臣按行梁山濼間疏水入于淮金明昌中言者謂黃河已移故道梁山濼水退地甚廣于是遣使安置屯田已後遂成平地矣亦曰張澤濼熙寧十年河南徙會于梁山張澤濼是也實大野澤之下游而南旺湖在汶上縣西南三十五里則值大野東偏濟水又北經須胸城

西安民亭東今日安民鎮北即安民山在東平州西
南三十五里又北經吾山東又北經東阿縣西吾山
東山在縣西北八里縣西二十五里東阿故城秦縣
也本齊之柯邑元和志魚山在東阿縣東南二十里
魚山即吾山也宋開寶八年徙治南穀鎮在今縣南
十二里太平興國三年又南徙十八里利仁鎮金徙
治新橋鎮當宋紹明三年洪武八年南徙十里治穀城春
秋時齊穀邑也杜元凱以釋魯之小穀謬矣秦曰穀
城漢已來為穀城縣北齊并入東阿今則穀城為東
阿縣治

沈存中云古說濟水伏流地中今歷下凡發
地下皆自流水東阿亦濟水所經取井水煮

膠謂之阿膠其性趨下清而且重用攪濁水則清縣西十里有大清河古濟瀆所經也馬頰水自微鄉北首受濟西北流經安山北又西經桃城東城在東阿縣西南四十里西去張秋鎮十八里有邱高數仞即春秋齊之桃邱矣杜元凱以為衛地非也張秋鎮在東阿縣西南六十里與壽張陽穀接境宋曰景德鎮明曰安平鎮馬頰水又東北經吾山南注于濟今俗呼小鹽河者西自壽張陽穀之境流經張秋鎮東至吾山入大清河土人猶有馬頰河之稱而呼大清河曰鹽河濟水東北經平陰縣西隋開皇十六年置榆山縣今平陰縣西北二

十里榆山下故城是也大業二年改曰平陰縣西北
十五里有大清河濟水又東經故平陰城西城在今
縣東北三十五里本春秋齊之平陰隋因以名縣又
東北經長清縣洛當城西城在縣西南又東北經盧
城北城在縣西南二十五里漢縣也本齊之盧邑戰
國時謂之博陽漢文帝時分濟北國都焉北魏置濟
州唐天寶初曰濟陽郡又東北經長清縣北縣東南
三十里長清城盧縣長清鎮也本齊之石窠隋分置
長清縣宋至道二年徙今治縣北有大清河漢賓谷
水出馬格山山在縣東南六十里齊閭人宿沙衛殺

馬于隘以塞道處也其水西北流注天清河亦呼沙溝濟水又東北經齊河縣東本禹城縣之齊河鎮金大定八年分為縣城東門外有大清河又東北經歷城縣北漢縣也本齊之靡下南有靡笄山左氏春秋韋之戰晉師從齊師至于靡笄之下是也靡歷字形相似而訛史記晉平公元年伐齊齊靈公戰于靡下徐廣云靡當作歷蓋習訛已久莫之是正且改是以從非矣晉永嘉初為濟南郡治劉宋置冀州北魏曰齊州隋曰齊郡唐天寶初曰臨淄郡宋政和六年為濟南府府城西有歷下城濼水出府城西南其泉源

曰趵突泉東北流經城北歷下諸泉匯而為湖曰大明湖在府城內西北隅周十餘里由北水門出注于濰濰水又東北注于濟謂之濰口今為堰頭鎮在府東北二十里東北經華不注之陰東北入于海濟水又東北華泉發于華不注之下山在府東北十五里其水北注濟今洄巨合水出章邱縣西南雞山山去縣四十里其水二源竝發行五里許而合北流經歷城縣東巨合城西城去縣七十里縣之巨里聚也今曰龍山鎮故水亦呼龍山河矣又北武原水出府東南七十里譚城南平澤中北流經城東故譚園也又

東北經東平陵城西城在府東南七十五里漢縣也
又西北經巨合城東而北注巨合水巨合水又西北
經平臺城南城在府東北五十里漢縣也後漢曰臺
縣又北注濟濟水又東北經章邱縣西北管城南城
去縣三十里漢縣也縣有漢陽邱故城北齊徙高唐
縣于故陽邱西北十里隋開皇十六年改曰章邱縣
北三十里有小清河古濟瀆所經也又東經鄒平縣
北漢鄒縣也後漢曰鄒平其故城在今縣西南二十
五里宋景德初徙今治縣北十八里有濟南郡城漢
郡治也縣北十三里有小清河許山濤在縣西長白

山下山東北去縣十里與章邱長山二縣接境縣去
縣十五里其水北注小清河濟水又東北經長山縣
北縣西南二十里於陵城漢縣也本齊之於陵劉宋
僞置廣川郡及武強縣于故於陵東北北齊改郡曰
東平原隋開皇十八年改縣曰長山縣西北三千里
有小清河濟水又東北經新城縣北元析長山縣置
也又東北經高苑縣西南漢縣也晉為樂安國治劉
宋于故縣西南二里改置長樂縣即今治隋開皇十
八年改曰會城縣西南七里有小清河瀧水出益都
縣西南孝感泉泉在顏神鎮南三里孝婦祠下戰國

時齊人顏文妻也鎮去縣百八十里鎮西北去原山
東麓二十里與程記鎮北去淄川縣三十里西南去章邱縣百里劉宋青州刺
史羊穆之築城于陽水之北名東陽復城陽水之南
曰南陽以東陽為北青州治其後直曰青州北齊徙
益都縣于此隋因舊城改築益都城為北海郡治金
益都府及縣治南陽明為青州府治隴水北經淄川
縣般陽城西南城在縣治西漢縣也劉宋僞置清河郡
及貝邱縣于此開皇十八年改曰淄川般水出縣東
南二十里龍山西北流入于瀧瀧水又西北經長山
縣城南又東北經鄒平縣東又西北經梁鄒城城南

城在鄒平縣北四十里漢縣也泲水右轉復經其城
西又北迤東經新城縣西北去縣二十三里又東北
至高苑縣西南注于小清河濟水又東北經被陽城
北城在縣西南又東北經博興縣南唐武德八年徙
博昌治樂安城即今治五代唐改曰博興縣南八里
有小清河漢北昌故城在今縣南二十里又東北經
薄姑城北城在縣東北十五里古國也又東北經樂
安縣北縣東北二十里廣饒城漢縣也隋為千乘郡
治金改置樂安縣即今治縣北十八里有小清河又
東北為馬車瀆去縣五十里濟水又東經琅槐城北

城在樂安縣東北百一十里漢志流水東至琅槐入海馬車瀆首受鉅定東北至琅槐入海馬車瀆水經注所謂馬常坑也其南為壽光縣西北五十里之清水泊即漢志所謂鉅定定讀為澱蓋溜時之水北連濟沅下尾瀰漫是問也考大清河在汶上縣已南合諸山泉澤泊之水以成川者元開會通河絕之而過今則自平陰縣南柳溝諸泉由東平州城北折而東北夏秋漕渠之水漲溢則于張秋南啟減水牕洩入大清河又北經東阿縣西折而東北經其縣北又東經平陰縣北又東北經長清縣北齊河縣東又北經

歷城縣北而東北右會濰水又北經臨邑縣東又東北經濟陽縣南又北經齊東縣北又東北經惠民縣南又東經青城縣北濱州南又東北經蒲臺縣北又東北經高苑縣北又北津利津縣東而東北入于海濰水自歷城縣趵突泉導而東北會合衆泉流經華不注山合華泉又東北入大清河劉豫堰之便東是為小清河經章邱鄒平長山新城之北而東北合瀧水又經高苑博興南樂安北入海自歷城已東之水皆入濟者竝注小清河近時小清河淤塞不通利而濰水復入大清河矣杜預春秋釋例曰濟自滎陽卷

縣東經陳留至濟陰北經高平東經濟北東北經濟
南至樂安博昌縣入海杜佑通典曰濟水因王莽末
旱渠涸不復截河過今東平濟南淄川北海界中有
水流入于海謂之清河實蒔澤汶水合流而曰濟河
蓋因舊多非本濟水也李吉甫元和郡縣志曰濟水
蓋自王莽末入河同流于海知河南之地無濟水矣
自後所說皆襲舊名如鄆州之須昌濟州之長清盧
縣齊州之臨邑豐齊全節臨濟章邱淄州之濟陽長
山鄒平高苑青州之博昌諸縣界中並有濟水其後
則不經博昌而改從棣州之蒲臺入海是皆襲舊名

而實非濟也黃文叔曰濟水雖絕其瀆猶在雖中間
經穿鑿變易或斷或續然水之附入于其瀆者猶可
尋求緝之以存禹迹亦非無理也黃子鴻曰以水經
注元和志裏宇記諸書考之濟水最南漯水在中河
水最北今者小清所經自歷城以東如章邱鄒平長
山新城高苑博興樂安諸縣皆古濟水所行而大清
所經自歷城以上至東阿固皆濟水故道而自歷城
東北如濟陽齊東青城諸縣則皆古漯水所行蒲臺
以北則故河水所經蓋宋時河嘗行漯瀆及河去則
大清兼行河漯二瀆其小清所行則斷為濟水故道

也胡朏明曰釋例自卷縣博昌而外略舉郡名故與
於水經不同孔穎達以為水流之道今古或殊杜據
當時所見言之與水經乖異非也晉時濟水之道實
與漢世不殊文有詳畧非枯後復通津渠勢改也若
夫唐之清河自須昌以下所受惟荷汶則又有其故
矣蓋天寶之後汴水堙廢濟渠亦無受荷澤以西竟
成斷港故元和志言濟自須昌始而通典云濟河實
荷汶之合流其所謂荷者即五丈溝之水西自考城
來者也迨元人開會通河引汶絕濟以資運道明永
樂中又于古四汶口之地築戴村壩遏汶使西南流

惟小鹽河一綫綫入清河清河賴諸山泉溝澤以成其川并無荷汶之可言矣

水經又東至乘氏縣西分為二注云春秋左傳僖公二十一年分曹地東傳于濟濟水自是東北流出鉅澤

水經其一水東南流其一水從縣東北流入鉅野澤注云南為荷水北為濟濟逕乘氏縣與濟渠濮渠合濟水故瀆又北洪水上承鉅野澤訓渚歷澤西又北逕闕鄉城西春秋公會宋公于闕皇覽曰蚩尤冢在東郡壽張縣闕鄉城中冢高七尺常十月祠之有赤

氣出如絳民名為蚩尤旗又北與濟瀆合自渚迄于北口百二十里名曰洪水桓溫以太和四年率衆北入掘渠通濟至義熙十三年劉武帝西入長安又廣其功自洪口以上謂之桓公瀆

水經又東北過壽張縣西界安民亭汶水從東北來注之注云濟水又北汶水注之戴延之所謂清口也郭緣生述征記曰清河首受洪水北注濟或謂清即濟也禹貢濟東北會于汶今枯渠注鉅澤北則清水清水與汶會也胡肱明云濟水改從澤西之清水而遠澤北以會汶水謂之清口元和志鄆昌縣有濟水南自白濟水又北逕梁山東袁宏出征

賦曰背梁山截汶波即此處也又北逕須朐城西城
臨側濟水故須國風姓也杜預曰須朐在須昌縣西
非也濟水西有安民亭亭北對安民山東臨濟水水
東即無鹽縣界也濟水又逕微鄉東春秋築郿京相
璠曰公羊傳謂之微東平壽張縣西北三十里有故
微鄉魯邑也杜預曰有微子豕濟水又北枝津北出
謂之馬頰水

水經又北過須昌縣西注云京相璠曰須朐一國二
城兩名蓋遷都須昌朐是其本濟水于縣趙溝水注
之

水經注濟水又北逕魚山東左合馬頰水水首受濟
西北流歷安民山北又西流趙溝水出焉東北注于
濟馬頰水又逕桃城東又東北逕山南山即吾山也
山上有抑舒城去東阿城四十里其水又東注于清
濟濟水自魚山北逕清亭東春秋公及宋公過于清
京相璠曰今濟北東阿東北四十里有故清定是濟
水通得清之目水色清深用蕪厥稱矣故燕王曰吾
聞有清濟濁河以為固

水經又北過穀城縣西注云側岬有尹卯壘南去魚
山四十餘里魏土地記曰縣有穀城山山出文石狼

水出東南大檻山狼溪西北逕穀城西又北有西流
泉出城東近山西北逕穀城北西注狼水又西北入
濟水城西北三里有項王羽之冢濟水又北逕周首
亭西今世謂之盧子城濟北郡治也京相璠曰今濟
北所治盧子城故齊周首邑也

在今東
阿縣東

水經又北過臨邑縣東注云水有石門春秋齊鄭盟
于石門京相璠曰石門齊地今濟北盧縣故城西南
六十里有故石門去水三百步蓋水清流移故側所
也濟水又北逕平陰城西春移齊侯禦諸平陰杜預
曰城在盧縣故城東北非也京相璠曰平陰齊地也

在東北盧縣故城西南十里平陰城南有長城東至
海西至濟河道所由名防門去平陰縣三里齊侯塹
防門即此也其水引濟故瀆尚存今防門北有光里
齊人言廣與光同即春秋所謂守之廣里者也又云
巫山在平陰北今巫山之上石室世謂之孝子堂
濟水右逕過為瀆湖方四十餘里濟水又東北至垣
苗城西故洛當城也伏龍北征記曰濟水又與清河
合流至洛當者也宋武帝西征長安令垣遵鎮此故
俗有垣苗之稱河水自四瀆口東北流而為浦魏土
地記曰盟津河別流十里與清水合亂流而東逕洛

當城北黑白異流涇渭殊別而東南注也

水經又東北過盧縣北注云濟水東北與滄溝合水上承滄湖北流注濟濟水又逕盧縣故城北濟北郡治也又逕什城北城際水滄故卽閭也祝阿人孫什將家居之以避時難因謂之什城焉濟水又東北與中川水合水東南山茌縣之分水嶺溪一源兩分泉流半解亦謂之分流交半水南出太山入汶半水出山茌縣西北流逕太原郡南郡治山茌西北與漢賓谷水合水出南格馬山漢賓溪北逕盧縣故城北陳敦戍南西北流與中川合謂之格馬口其水又北逕

盧縣故城東而北流入濟俗謂之為沙溝水濟水又
東北右會玉水導源太山琨瑞溪西北流逕玉符山
又西北逕獵山東又西北枕祝柯縣故城東野井亭
西春秋昭公二十五年經書齊侯唁公于野井襄公
十九年諸侯盟于祝阿左傳所謂督揚者也故俗謂
是水為祝阿澗水北流注于濟濟水又北潞水出歷
縣故城西南泉源上奮水湧若輪春秋公會齊侯于
濼是也城南對山山下有大穴謂之舜井其水北為
大明湖引濬東入西郭至歷城西而側城北注湖水
上東城歷祠下泉泉源競發其水北流逕歷城東

又北引水為流極池分為二水右水北出左水西逕
歷城北西北為陂謂之歷水與櫟水會歷水枝津首
受歷水于歷城東東北逕東城西而北出郭又北注
櫟水又北聽水為櫟水又北流注于濟謂之櫟口水
經注濟水又東北華不注山單椒秀澤不連邱陵以
自高虎牙傑立孤峰特拔以刺天青崖翠發望同點
黛山下有華泉故京相璠曰春秋土地名曰華泉華
不注山下泉水也北絕聽瀆二十里注于濟
水經又東北過臺縣北注云巨合水南出雞山西北
北逕巨合城西又北闔廬水導源焉耳山北逕博亭

城面西北流至平陸城武原水出譚城南平澤中北
逕譚城東又北逕東平陸縣故城西又北逕巨合城
東合閔盧水而注巨合水西北逕臺縣故城南西北
流白野泉水出臺城西南北逕留山西北流而右注巨
合水又北聽水注之水上承潞水東流北屈又東北
流注巨水亂流入于濟濟水又東北芹溝水出臺縣
故城東南西北流逕臺城東又西北入于濟

水經又東北過管縣南右納百脈水水出土鼓縣故
城西城在淄川縣西五十里水源方百步百泉俱出故謂之百
脈水其水西北流逕楊邱縣故城中西北出城北逕

黃巾固蓋賊所屯故固得名焉

在章邱縣城北

百脈水又東

北注于濟濟水東又有楊渚溝水逕於陵故城西南西北逕土鼓城東又西北逕章邱城東又北逕甯西而北注於濟

水經又東過梁鄒縣北注云瀧水南出長城中北流至般陽縣故城西南與般水會水出縣東南龍山俗亦謂之為左阜水西北逕其城南又南屈西入瀧水北逕其縣西北流至萌水口萌水出西南甲山一名夾谷山在淄川縣西北二十五里東北入于瀧瀧水又西北至梁鄒東南魚子溝水南出長白

山東柳泉口逕於陵縣故城西北流注于瀧水瀧水
即古表水也故京相璠曰濟南梁鄒縣有表水瀧水
又西北逕梁鄒縣故城南又北屈逕其城西北流注
濟其城之東北又有時水西北注焉

水經又東北過臨濟縣南注云縣故狄邑也晏謨齊
記曰有南北二城隔濟水南城即被陽縣之故城也
北枕濟水今渤海僑郡治濟水又東北逕為淵渚謂
之平州湮沃側有平安縣故城應邵曰博昌縣西南
三十里有平安亭故縣也世尚存平州之名矣濟水
又東北逕高昌縣故城西又東北逕樂安縣故城南

伏琛齊記曰博昌城西北五十里有南北二城相去三十里隔時濟二水指此為博昌北城非也濟水又經薄姑城北又東北逕狼牙固而東北流也

水經又東北過利縣西晏謨曰縣在濟城北五十里水經又東北過甲下邑入于河注云濟水東北至甲下邑南東歷琅槐縣故城北地理風俗記曰博昌東北八十里有琅槐鄉故縣也山海經曰濟水絕鉅野注渤海入齊琅槐東北者也又東北河水枝津注之水經以為入河非也斯乃河水注濟非濟入河水經又東北入海注云郭景純曰濟自榮陽至樂安

博昌入海今河竭濟水仍流不絕經言入河二說竝
失河水于濟澤之北別流注海今所輟流者惟澤水
耳

旃然水出嵩渚之山故瀆東北注于滎水

旃然水出滎陽縣東南嵩渚山山去縣二十五里左
氏春秋楚伐鄭右師涉潁次于旃然即是水之側也
後代浸渠勢改不與昔同其故瀆東北流經小索大
索城謂之索水又東經號亭南又東北經滎陽城東
宋白曰滎陽故城在今縣南十七里平原上索水經
其東是也又北入于濟

水經注索水出京縣西南嵩渚山與東閼分水即古
旃然水也其水東北流器難之水注之山海經曰少陰
之山器難之水出焉而北流注于浸即此水也其水
北流逕金亭又北逕京縣故城西入于旃然之水域
故鄭邑也城北有壇山岡其水亂流北逕小索亭西
京相璠曰京有小索亭世語以為索氏兄弟居此榮
水又北逕大柵城東晉滎陽民張卓董邁等遭荒鳩
聚流離保固名為大柵塢至太平真君年潁州刺史
崔白自虎牢移州治此北魏奉常中置潁州治虎牢
然則潁州乃豫州之屬
又東開廣舊城創制改築焉太和十七年遷都洛邑

省州置郡索水又屈而西流梧桐澗水出西南梧桐
 谷東北注于索斯水時有通塞索水又北屈東逕大
 索城南括地志云今榮陽縣即大索城小索城在
三十里大索城在京西二十里東北四里為小索城
 考水經注索水逕流之矣自東京城北至小索亭又北
 至大柵城又屈而西又北屈東大索城小索城不得在
 大索之東北明矣北魏徙豫州治大柵城開廣舊城
 改築後為榮陽郡治隋末徙榮陽縣治大索城隋唐
 之間殆無以大柵城為大索城而謂其東北大索城
 為小又東逕號亭南又東北流須水出京城東北二
 里榆子溝或謂之小索水東北注木蓼溝水上承京
 城南淵東北入于須水須水又東北於榮陽縣城東
 南北注索索水又東逕榮陽城南又東逕周苛冢北

又東流北屈西轉北逕滎陽城東而北流注濟水濟
渠水斷汴溝惟承此始故云汴受梅然矣亦謂之鴻
溝水蓋因漢楚分王指水為斷故也

京水出滎陽縣西黃堆山山即嵩渚山枝阜東北經
鄭州北故市城南城去州三十五里又東北分為二
其一北入滎澤其一右出為黃崖溝

水經注黃水發源京縣黃堆山東南流名祝龍泉泉
勢沸湧狀若巨鼎湯湯西南流謂之龍項口世謂之
京水也又屈而北魚子溝水出石暗澗東北流又北
潞潞水出西溪東流注于魚水魚水又屈而西北注

黃水黃水又北逕高陽亭東又北至故市縣重泉水
出京城西南少陞山東北流又北逕高陽亭西東北
流注于黃水又東北逕故市縣故城南溪又東北至
滎澤南分為二水一水北入滎澤下為船塘俗謂之
邾城陂東西四十里南北二十里穆天子傳曰甲辰
天子浮於滎水乃奏廣樂是也一水東北流即黃崔
溝矣穆天子傳曰壬寅天子東至于崔梁者也又東
北與靖水枝津合二水之會為黃泉當作東北流注
于濟水

靖水出鄭州西南梅山山去州三十五里其故瀆自

梅山北溪東北流經鄭州城西州治即故管城漢為
中牟縣地隋開皇十六年析置管城縣為管州治而
北魏泰常中置豫州治虎牢城太平真君中徙治大
柵塢皇興中以虎牢為北豫州東魏天平初置成皋
郡北周為滎州及滎陽郡隋開皇初曰鄭州大業初
鄭州徙治管城唐武德四年仍置管州治管城鄭州
治虎牢貞觀七年改管州曰鄭州宋蕪置奉寧軍
靖水又東北分為二其一東北合黃雀溝水積成淵
曰黃淵北注滎水其一右出東北至中牟縣西北入
圃田澤澤去縣七里爾雅十藪鄭有圃田是也東西

五十里南北二十六里澤西有長城

水京注十家溝出京縣東南梅山北溪春秋右迴檀山即是山也其水自溪東北流逕管城西故管國也左傳晉師救鄭楚次管以待之杜預曰京縣東北有管城者是也俗又謂之管水東北分爲二水一水東北流注黃雀溝謂之黃淵淵周百步其一水東越長城東北流水積爲淵南北二里東西百步謂之百尺水北入圃田澤

今京索二水竝川流勢改後唐同光二年詔蔡州刺史朱勅浚索水通漕宋屢浚京索二水爲東京開封

府今水河之源方輿紀要云鄭水源出梅山京索三
水自滎陽而東合于鄭水又東北至中牟縣溉田千
餘頃其餘水下入于汴

濮渠故瀆者有二其一首受枝津其一首受河竝導而
東合為一川

濮渠首受滎水枝津于封邱縣西南東北流引資灌
溉又東經長垣縣西南匡城北城去縣十五里史記
孔子自匡至蒲者也述征記曰匡城周三里又東北
別濮水首受河于延津縣西北東北流經酸棗城南
城在縣北十五里漢縣也又東經胙城縣西南又東

至長垣縣與濮渠合

水經注濮水上承濟水于封邱縣即地理志所謂濮渠首受濟者也關駟曰首受別濟即北濟也其故瀆自濟東北流左逌為高梁陂方三里濮水又東逕匡城北孔子去衛適陳遇難于匡者也又東北左會別濮水受河于酸棗縣故杜預云濮水出酸棗縣首受河竹書紀年魏襄王十年十月大霖雨疾風河水溢酸棗邠漢世塞之故曰文陞酸棗也今無水其故瀆東北逕南北二棧城間左傳襄公五年楚子囊伐陳公會于城棧以救之者也濮渠又東北逕酸棗故城

南韓國矣漢官儀曰舊河隄謁者居之城西有韓王望氣臺濮水北瀦成陂陂方五里號曰同池陂又東逕胙亭東注故胙國也富辰所謂邢茅胙祭周公之胙也濮渠又東北逕燕城內故南燕姑姓之國也縣東為陽清湖陂南北五里東西三十里亦曰燕城湖逕桃城南城在延津縣北括地志桃城在胙城縣東四十里即戰國策所謂酸棗虛桃者也而東注于濮俗謂之朝乎溝

又東岐而二右瀆東流左納句瀆水而注鉅澤

濮渠又東北酸水首受河于延津縣西北東流經酸棗城北又東經胙城縣西又東經滑縣西南滑臺城

南通鑑注滑臺城在白馬縣西南是也又東南經瓦
亭南杜預曰燕縣東北有瓦亭是也在今滑縣南又
東南至長垣縣西入于濮濮渠又東經長垣縣北故
蒲城也春秋齊侯衛侯胥命于蒲子路為蒲宰皆即
此矣又東經韋城南城在滑縣東南五十里故豕韋
國也彭姓夏孔甲時以劉累更豕韋之後竹書劉累
遷魯縣帝皐召豕韋復其國賈逵曰武丁滅豕韋以
劉累之後代之然則兩廢而兩更也周定王五年河
徙後大河經城下其津曰韋津字亦作埵漢白馬縣
地隋開皇十六年置韋城縣金時圯于水縣廢濮渠

又東經故長垣城北漢縣也在今縣東北三十五里
隋改置于故城西南十七里婦姑城名縣曰匡城五
代梁復曰長垣金初徙治柳塚村在今縣東北七里
明洪武初以水患徙治蒲城又東北經祭城北又東
分為二水右渠東經滑縣東南須城北城去縣二十
八里又東經開州西南濮陽城北城去州三十里漢
縣也又東經荷澤縣西北離狐城南城去縣四十里
與東明縣東南接境漢縣也又東經曹縣西北葭密
城北城去縣三十里漢縣也又東北經鹿城南城在
縣西北又東北句瀆首受濮水枝津東南流經句陽

城南城在曹縣北三十里漢縣也又東入于濮又東
注鉅野澤

水經注濮渠又東北酸水故漬首受河于酸棗縣東
逕酸棗城北延津南謂之酸水竹書紀年韓襄敗秦
胡于酸水者也又東北逕燕城北又東逕滑臺城南
又東南逕瓦亭南春秋公會晉師于瓦魯尚執羔自
是會始也又東南會于濮世謂之百尺溝濮渠之側
有漆城在長垣縣西二十里或亦謂之苑濮亭又有桂城亦曰
桂陵史記齊威王使田忌擊魏之桂陵濮渠又東逕
蒲城北故衛之蒲邑又東逕韋城南即白馬縣之韋

卿也城西出而不方城中有六大井皆隧道下俗謂之江井也有馳道自城屬于長垣濮渠東絕馳道逕長垣縣故城北衛地也故首垣矣秦更今名陳留風俗傳曰縣有防垣故縣氏之縣有祭城濮渠逕其北鄭大夫祭仲之邑也園稱又言長垣縣有羅亭故長羅縣也有長羅澤有長羅岡蘧伯玉岡陳留風俗傳曰長垣縣有蘧伯鄉在縣東有蘧亭伯玉祠伯玉冢在縣南十里濮渠又東分為二瀆北瀆出焉又東逕須城北詩云思須與曹也又北逕襄邱亭南又東逕濮陽縣故城南又東逕濟陰離狐縣故城南又東北逕鹿城

南又東句瀆首受濮水枝渠于句陽縣東南逕句陽縣故城南春秋之穀邱也左傳以為句瀆之邱矣縣處其陽故縣氏焉又東入乘氏縣左會濮水與濟同入鉅野

左瀆東流枝津右出為句瀆又東北合于羊里水

左渠實濮之故瀆水經注以為枝津其水東經鉏邱城南又東經浚城南城在開州西南又東枝別為句瀆又東北經曹縣北垂亭西左氏春秋謂之犬邱杜預曰句陽縣東北有垂亭是也又北合于羊里水漢志陳留郡封邱濮渠首受沛東北至都閔入羊里水

過郡三

陳留濟陰山陽

行六百三十里是也都閔故城在今

濮州東南與荷澤縣東北接境濮水于都閔城東會

羊里水濮本河濟之別流歷代河徙其流久湮不復

可尋

水經注瓠子河章瓠子北有都閔縣故城縣有羊里
亭瓠河逕其南為羊里水又東右會濮水枝津水上
承濮渠東逕鉏邱城南京相璠曰今濮陽城西南十
五里有沮邱城六國時沮楚同以為楚邱非也又東
逕浚城南而北去濮陽三十五里城側有寒泉岡即
詩所謂爰有寒泉在浚之下京相璠曰濮渠故道在

濮陽南者也又東逕句陽縣西句瀆出焉濮水枝津
又東北逕句陽縣之小成陽縣故東垂亭西而北入
瓠河